

清·方略館 編

清代 方略 全書

北京圖書館出版社



清代方略全書

四五

清·方略館編

北京圖書館出版社

欽定平苗紀畧卷七

閏二月十八日

庚子

孫士毅和琳穆克登

師奏



連日途次接據酉陽秀山文武稟報黔楚匪苗
竄入川境大肆焚掠距秀山縣城止有二三十
里經署叅將都司何元卿千總馬建紀督率兵
丁鄉勇悉力堵截苗匪不敢進逼縣城適重慶
鎮總兵袁國璜帶領鎮標兵四百名趕到卽添

撥各隘守禦

臣

穆克登阿於二月二十四日到

來察看地勢添設卡隘並帶兵親往各處彈壓

人心稍定

臣

孫士毅和琳於二十七日前後同

抵秀山沿途目擊黔楚被難民人扶老携幼絡

繹於道實堪憫惻當卽面加慰諭專派川東道

符兆熊妥爲安撫二十八日據夙弁稟報貴道

溪及邑梅兩汛賊匪甚多

臣

等查兩汛相距數

十里必須分路剿殺

臣

穆克登阿帶同遊擊蒲

益章都司馬登朝守備沈文同由巴家汛抄截

賊匪後路

臣

和琳督同叅將張志林都司馬瑜

守備徐業等山石耶場至梨木場之山凹內適

有苗匪二百餘名在山腰修築木城一見官兵

卽往下放鎗拒敵

臣

和琳督兵迎撲立斃數人

該匪等不能抵拒紛紛向山溝逃竄

臣

穆克登

阿由後路截住前後夾攻共鎗斃苗匪六十餘
名臣孫士毅督同總兵袁國璜前赴貴道溪一
帶遙望火光騰起卽帶兵馳往賊匪數百餘人
在彼正肆焚搶我兵奮勇直前署叅將何元卿
都司馬圖手刃數人苗匪敗走追至王瓜壘地
方共殺死苗匪四十一人生擒苗匪三名伏思
苗匪等經此一番截殺自應稍知畏懼第秀山

酉陽兩處邊界在在俱有苗匪爲數不少酉陽
州龍團壩地方距秀山一百數十里爲後路門
戶最關緊要據汛弁稟報現有苗匪數百人在
彼屯聚圖絕我兵後路臣等遂派委松潘鎮總
兵達音泰叅將扎爾杭阿帶兵二百名迅赴龍
團壩堵截斷可不致疎虞惟刻下統計官兵祇
有一千餘名大小各隘口共有數十處分布堵

截實覺不敷現復飛催前調之漢土官兵兼程
前進至川省苗疆地方如叙永石碛二廳重慶
所屬之南川綦江等縣先經臣等嚴飭密爲防
範據報該處苗民極爲寧謐現俱安業如常又
兵糧一項現今附近州縣趕緊動碾倉穀足資
接濟並令藩司委員陸續運餉前赴秀山備用
無虞缺乏又自重慶至秀山跬步皆山向來只

有舖遞現飭各州縣添設正腰馬站以資馳遞
文報再自苗匪滋擾川境以後署叅將何元卿
等分率弁兵分投堵截實爲奮勉出力

同日孫士毅和琳又奏言查署秀山縣知縣路

雲瞻及署叅將何元卿等帶領兵役在各隘口

先後盤獲苗匪漢奸六十一名

臣

等到秀山後

分路剿捕除當時殺斃不計外擒獲男婦五名

口又查出假充難民之奸細五名統計共有七
十一名口均應卽正典刑以昭懲創惟查內有
石老唐一犯係石柳鄧胞姪萬松一犯與石柳
鄧鄰近素好其起事緣由該二犯自必知之較
悉_臣等卽親提各犯研鞫緣楚苗迷邏寨石三
保係黔省大寨營寨長石柳鄧之族弟本年正
月十一日有楚省各苗寨長一百餘人赴石柳

鄧家密商謀逆囑令石柳鄧糾約黔省硃口白
菓壩麻家寨大地眼九牛塘白家寨岑洞水田
壩等處苗民訂期於正月十八日兩省同時起
手石柳鄧一面派人邀約一面於十五日在家
祭旗賽神經大塘汛官兵查知帶兵往捕伊等
猝不及防被官兵殲獲十餘人石柳鄧卽帶同
四子逃逸潛赴湖廣迷邏寨商令石三保卽日

舉事石柳鄧帶同楚苗數百人於二十二日轉
回大塘汛復糾合黔苗肆行焚搶聲言各寨苗
民如有將苗疆種地之漢人房舍燒燬者卽以
其地分給如漢人內有肯從入夥者免其殺害
於是各處響應四出滋擾由川省砲木山一帶
焚掠者俱係黔苗由川省洪安汛一帶焚掠者
俱係楚苗各領各寨苗人多寡不等石老唐萬

松均係石柳鄧先後派出赴秀山探信被獲之
犯最爲緊要自應嚴行收禁俟有續獲苗匪卽
可隨時令其實訊其餘或臨陣擒拿或搜山查
獲皆屬同謀叛逆之苗匪奸民罪大惡極法無
可貸審明後俱卽正法梟示

同日福康安奏言竊查嗅腦遍地皆係苗寨四
面路徑叢雜一望皆山相距遠近高下亦不能

計以里數

臣

在高壠坡等處察探有巖門寨地

所坪等處苗寨最大山形最險各處山坳隱隱

藏匿賊匪多人其被官兵追趕之賊亦俱紛紛

向巖門寨地所坪一帶奔逃搖旗喊嚷糾合前

來抵禦隨令官兵分路向前追殺乘賊匪竄入

各寨之時飛用火攻將地所坪巖門寨大小苗

寨痛行焚燒盡力追殺斃賊無算其時風勢甚

大該處賊苗固聚火藥甚多一經礮轟鎗打烟

衝遍嶺

臣

又遠望地所坪之西官舟營地方叢

樹之中似有木城飛卽帶領官兵二三百人馳

往見賊匪果有木城一座周圍里許中藏數百

人官兵乘勢爭先跳入城中先將賊匪殺斃大

半隨將木城燒燬此一路焚殺猛烈賊匪紛紛

竄逃

臣

一面帶兵前進一面飭令總兵花連布

副將那丹珠等帶運糧石火藥繞路前進

臣追

至柳皮寨地方正見花連布等與賊相持許久

賊匪竟有數千四面拒敵

臣

一到彼卽令官兵

上前迎擊並令都司趙得功守備陳國珍等從

山背抄上賊匪見兵勢壯勇不能抵敵當卽驚

竄官兵追進上下構皮兩寨一路焚剽直抵桐

木寨自高龍坡至桐木寨計里雖不甚遙而上

下山嶺四旁攻打焚燒賊寨不計其數是以竟
日追勦官兵直至刻無暇食次日又令花連布
等從上麻洲下麻洲高坡塘寨上長坪下長坪
等處進攻令副將那丹珠等從上地洲下地洲
隴勢坡泡木寨亢金寨大紅巖小紅巖標山寨
等處進攻連用鎗礮痛焚賊寨百十餘座惟因
山徑叢雜竄逃多方並於懸崖僻洞誘引官兵